

傷寒明理論方論

二



傷寒明理論

下冊

補鈔



南京中医药大学图书馆版权所有

圖書在版編目(CIP)數據

傷寒明理論 方論〔金〕成無己撰.—北京:北京圖書館出版社,2003.10

(中華再造善本)

ISBN 7-5013-2295-3

I.傷… II.成… III.傷寒論—研究 IV.R222.29

中國版本圖書館CIP數據核字(2003)第080010號

ISBN 7-5013-2295-3



9 787501 322954 >

書名 傷寒明理論 方論(全二冊)
著者 〔金〕成無己 撰

出版 北京圖書館出版社(100034 北京市西城區文津街七號)
發行 Tel:(010)66151313 Fax:(010)66174391

E-mail:Bstxb@publicf.nlc.gov.cn

Website:www.nlcpress.com

印刷 金壇市古籍印刷廠

開本 八

印張 二六·二五

版次 二〇〇三年十月第一版第一次印刷

印數 一—二〇〇

書號 ISBN 7-5013-2295-3 / K·660
定價 八四〇圓



上冊為宋時原刊下冊當是從別本鈔補已
非四馬之舊故將前序目錄刪改以就下冊
後來覆刻皆終於勞復第四馬不復可
見而脫訛舛錯尤屬憾事據此可以矯失
正誤雖殘亦足快已此書獲自湘南黃氏
先見上冊後於儋市遇下冊亟購以歸
原裝依然可知殘之由來久矣 寒雲再記



傷寒明理論第三

金陵李士材書

搖頭第三十七

傷寒搖頭何以明之頭者諸陽之會也諸陽之脉皆上於頭諸陰脉皆至頸胷中而還陽脉不治則頭爲之搖傷寒搖頭有三皆所主不同也有曰搖頭言者裏痛也以裏有痛者語言則劇欲言則頭爲之戰搖也有曰獨搖頭卒口噤背反張者瘕病也以風盛於上風主動搖故也裏痛非邪也痛使之然瘕病非逆也風使之然至於陽反獨留形體如煙熏直視搖頭者又謂之心絕蓋心藏神而爲陰之本陽根於陰陰



根於陽陰陽相根則榮衛上下相隨矣絕則神去而陰竭陽無根者則不能自主持故頭爲之搖矣王冰曰滋苗者必固其根伐下者必枯其上內絕其根外作搖頭又何疑焉心絕者眞病也風痙裏痛者邪氣也觀其頭搖又當明其臧否焉

瘈瘲第三十八

傷寒瘈瘲何以明之瘈者筋脉急也瘲者筋脉緩也急者則引而縮緩者則縱而伸或縮或伸動而不止者名曰瘈瘲俗謂之搐者是也黃帝內經曰病筋脉相引而急名曰瘈瘲瘈謂若契合之契也行則緩臥

則緊從則縱癰疾之縱者謂若放縱之縱也以急爲
瘕以緩爲癰理至明矣瘕癰者風疾也而癰癰則瘕
癰焉傷寒瘕癰者邪熱氣極也熱盛則風搏併經絡
風主動致四肢瘕癰而不寧也故風溫被火者曰發
微黃色劇者如驚癰時瘕癰言其熱氣之劇盛也傷
寒病至於發瘕癰者疾勢已過矣多難可制內經曰
太陽終者戴眼反折瘕癰絕汗乃出大如貫珠著身
不流是見其瘕癰爲已過之疾也又有四肢繫習爲
四肢動而不止似瘕癰而無力不得伸縮者也此爲
肝絕瘕癰之證雖難已若能以祛風滌熱之劑折其

大熱則瘕瘕亦有生者若妄加灼火或飲以發表之藥則死不旋踵經曰一逆尚引日再逆促命期

不仁第三十九

傷寒不仁何以明之仁柔也不仁謂不柔和也痒不知也痛不知也寒不知也熱不知也任其屈伸灸刺不知所以然者是謂不仁也由邪氣擁盛正氣爲邪氣閉伏鬱而不發榮衛血氣虛少不能通行致斯然也內經曰榮氣虛則不仁針經曰衛氣不行則爲不仁經曰榮衛不能相將三焦無所仰身體痺不仁即是言之知榮衛血氣虛少不能通行爲不仁者明矣

經曰諸乘寒者則爲厥鬱冒不仁言此厥者是正氣爲寒氣所乘爲厥氣也非四肢逆冷之厥也何者蓋以鬱冒爲昏冒不仁爲不知痛痒得不爲尸厥之厥耶經曰少陰脉不至腎氣微精血少奔氣促迫上入胃膈宗氣反聚血結心下陽氣退下熱歸陰股與陰相動令身不仁此爲尸厥其乘寒之厥鬱冒不仁即此尸厥可知矣昔越人入虢診太子爲尸厥以鬱冒不仁爲可治刺之而得痊濟者寔神醫之診也嗚呼設或脉浮而洪身汗如油喘而不休水漿不下形體不仁此又爲命絕雖越人其能起之歟

直視第四十

傷寒直視何以明之直視者視物而目精不轉動者是也若目精轉者非直視也水之精爲志火之精爲神目者心之使也神所寓焉肝之外候也精神榮焉鍼經曰五藏六府之氣皆上注於目而爲之精精之窠爲眼骨之精爲瞳子筋之精爲黑精血之精爲絡氣之精爲白精肌肉之精爲鈎束裏擷筋骨血氣之精與脉并爲系上屬於腦五藏血炁調和精炁充榮則目和而明矣傷寒目直視者邪氣擁盛冒其正氣使神志不慧藏精之氣不上榮於目則目爲之直視

傷寒至於直視爲邪氣已極證候已逆多難治經曰
衄家不可發汗汗則額上陷脉急緊直視不能眴不
得眠以肝受血而能視亡血家肝氣已虛目氣已弱
又發汗亡陽則陰陽俱虛所致也此雖錯逆其未甚
也逮乎狂言反目直視又爲腎絕直視搖頭又爲心
絕皆藏氣脫絕也直視譫語喘滿者死下利者亦死
又劇者發則不識人循衣摸牀惕而不安微喘直視
脉弦者生濇者死皆邪盛而正氣脫也其或有目中
不了了精不和無表裏證大便難身微熱者是非直
視也此爲內實也可用大承氣湯大柴胡湯下之直



視爲不治之疾目中不了了爲可治之候二者形證相近其爲工者宜熟視之

鬱冒第四十一

傷寒鬱冒何以明之鬱爲鬱結而氣不舒也冒爲昏冒而神不清也世謂之昏迷者是也鬱冒之來皆虛極而乘寒則有之矣經曰諸乘寒者則爲厥鬱冒不仁又曰太陽病先下之而不愈因復發汗以此表裏俱虛其人因致冒冒家汗出自愈所以然者汗出表和故也是知因虛乘寒乃生鬱冒金匱要略曰新產婦人有三病一者病瘕二者病鬱冒三者大便難亡

血復汗寒多故令鬱冒又曰產婦鬱冒其脉微弱不能食大便堅所以然者血虛而厥厥而必冒冒家欲解必大汗出即此觀之鬱冒爲虛寒可知矣又或少陰病下利止而頭眩時時自冒者又爲死證蓋謂其虛極而脫也觀其鬱冒幸無忽焉

動氣第四十二

傷寒動氣何以明之動氣者爲築築然動於腹中者是矣藏氣不治隨藏所主發泄於臍之四傍動跳築築然謂之動氣難經曰肝內證臍左有動氣按之牢若痛心內證臍上有動氣按之牢若痛肺內證臍右

有動氣按之牢若痛腎內證臍下有動氣按之牢若痛是藏氣不治腹中氣候發動也動氣應藏是皆真氣虛雖有表裏攻發之證即不可汗下經曰動氣在左不可發汗汗則頭眩汗不止筋惕肉瞤是發汗而動肝氣者也動氣在左不可下下之則腹內拘急食不下動氣更劇雖有身熱臥則欲蹠是下之而動肝氣者也動氣在上不可發汗汗則氣上衝正在心端是發汗而動心氣者也動氣在上不可下下之則掌握熱煩身上浮冷熱汗自泄欲得水自灌是下之而動心氣者也動氣在右不可發汗汗則衄而渴心苦

煩飲即吐水是發汗而動肺氣者也動氣在右不可
下下之則津液內竭咽燥鼻乾頭眩心悸是下之而
動肺氣者也動氣在下不可發汗汗則無汗心中大
煩骨節苦痛目運惡寒食則反吐穀不得下是發汗
而動腎氣者也動氣在下不可下下之則腹滿卒起
頭眩食則下清穀心下痞是下之而動腎氣者也且
脾內證當臍有動氣經特曰臍之四傍動氣不可汗
下獨不言脾候當臍有動氣者以脾者中州爲胃以
行津液發汗吐下耗損津液必先動脾其餘四藏動
氣發動妄有汗下猶先動脾况脾家發動氣者詎可

動之邪所以特不言之也傷寒所以看外證爲當者蓋不在脉之可見必待問之可得者發汗吐下務要審諦舉此動氣類可知矣

自利第四十三

傷寒自利何以明之自利者有不經攻下自然溏瀉者謂之自利也傷寒自利多種須知冷熱虛實消息投湯無致失差雜病自利多責爲寒傷寒下利多由協熱其與雜病有以異也表邪傳裏裏虛協熱則利不應下而便攻之內虛協熱遂利是皆協熱也又合病家皆作自利太陽與陽明合病必是下利葛根湯

主之太陽與少陽合病必自下利黃芩湯主之陽明
與少陽合病必自下利大承氣湯主之三者皆合病
下利一者發表一者攻裏一者和解所以不同者蓋
六經以太陽陽明爲表少陽太陰爲在半表半裏少
陰厥陰爲在裏太陽陽明合病爲在表者也雖曰下
利必發散經中邪氣而後已故與葛根湯以汗之太
陽與少陽合病爲在半表半裏者也雖曰下利必和
解表裏之邪而後已故與黃芩湯以散之陽明少陽
合病爲少陽邪氣入府者也雖曰下利必逐去胃中
之實而後已故與承氣湯以下之是三者所以有異

